

2.

Na osnovu člana 13. stav 2. alineja 18. a u vezi sa članom 8. stav 3. alineja 17. Zakona o principima lokalne samouprave u Federaciji BiH ("Službene novine Federacije BiH" broj 49/06 i 51/09) i člana 21. tačka 27. Statuta Gradu Gradačac ("Službeni glasnik Grada Gradačac", broj 10/22) Gradsko vijeće Grada Gradačac, na 22. redovnoj sjednici održanoj 28.02.2023. godine, razmatrajući Informaciju o stanju bezbjednosti na području grada Gradačac za period januar-decembar 2022. godine, d o n o s i

ZAKLJUČAK

I

Gradsko vijeće Grada Gradačac je primilo na znanje Informaciju o stanju bezbjednosti na području grada Gradačac za period januar-decembar 2022. godine.

II

Ovaj zaključak će biti objavljen u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

**Broj: 01-04-47/23
Datum: 28.02.2023.god.
G r a d a č a c**

**PREDSJEDAVAJUĆI
GRADSKOG VIJEĆA
Mustafa H. Ađulović, s.r.**

3.

Na osnovu članova 6. i 8. Zakona o komunalnim djelatnostima – prečišćeni tekst ("Službene novine Tuzlanskog kantona", broj 11/21), člana 2. stav 4. i člana 4. alineja 4. Odluke o komunalnom redu ("Službeni glasnik Grada Gradačac", broj 1/23) i člana 21. tačka 2. Statuta Grada Gradačac („Službeni glasnik Grada Gradačac”, broj 10/22) Gradsko vijeće Grada Gradačac na 22. redovnoj sjednici održanoj 28.02.2023. godine, d o n o s i

PROGRAM održavanja riječnih korita i lateralnog kanala za 2023. godinu na području grada Gradačac (mala Tinja, stara Gradašnica i lateralni kanal)

Program obuhvata sljedeće poslove i usluge, a koje će obavljati JP „Parkinzi“ doo Gradačac, u skladu sa Cjenovnikom usluga, koji je sastavni dio Programa i to:

- čišćenje korita rijeke Mala Tinja u periodu od 01.01.2023. do 31.12.2023. godine - interventno;
- čišćenje korita rijeke stara Gradašnica u periodu od 01.01.2023. do 31.12.2023. godine- redovno;
- čišćenje korita lateralnog kanala u periodu od 01.01.2023. do 31.12.2023. godine - interventno.

Rastinje u koritu rijeke stvara naročite probleme pri obilnim padavinama, jer usporava prirodan tok rijeke, stvaranjem fizičkih barijera koje podižu nivo vode, te dolazi do prelivanja preko uređenih nasipa, djelomično ih ruši i izliva na okolne oranice. Posebne posljedice navedenih poplava se ogledaju u:

- rušenju obala vodotoka i uništenje vegetacije na njima,
- promjene riječnog toka kroz priobalno zemljište,
- izazivanje klizišta na priobalnim površinama,
- rušenje prirodnih kaskada u dnu korita i totalnom promjenom morfologije korita,
- donosenje u korito velikih količina otpadnog materijala koji se dugo zadržava i posebno utiče na vegetaciju u koritu,
- rušenje mostova i drugih građevina u dolini vodotoka,
- nanosenje blata i zasipanje nanosa na poljoprivrednim i urbanim površinama te zagađenje izvorišnih zona uz vodotoke.

A) ČIŠĆENJE KORITA RIJEKE MALA TINJA – INTERVENTNO

Navedena relacija 8.000 metara pripada slivnom području rijeke Tinje, kao i vodotoci od kojih je nastala mala Tinja. Izlivanjem iste rijeke uništavaju se poljoprivredne površine, dovode do oštećenja putnih komunikacija i sl.

Čišćenje korita rijeke mala Tinja podrazumijeva intervenciju po potrebi a odnosi se na kosi dio korita rijeke mala Tinja, širine od 1,0 m od pokosa, po dužini sa obje strane rijeke. Čišćenje korita rijeke mala Tinja podrazumijeva intervenciju po potrebi a odnosi se na prikupljanje otpadnog materijala iz korita i oko korita rijeke sa odlaganjem i deponovanjem prikupljenog otpadnog materijala.

Čišćenje korita rijeke vršit će se tokom cijele godine, interventno po ukazanoj potrebi.

U koritu mala Tinja evidentiran je veći broj stabala koje treba iskrčiti, a koji su detaljno opisani u Cjenovniku JP „Parkinzi“ doo.

B) ČIŠĆENJE KORITA RIJEKE STARA GRADAŠNICA-REDOVNO

Korito dugo 1.800 metara, te ovim Programom obuhvata čišćenje korita rijeke staro korito rijeke Gradašnice koje je uređeno, a Programom podrazumijeva pokos, redovno trimerisanje i pojas od 1 m širine od pokosa, po dužini, sa obje strane rijeke. Čišćenje korita rijeke stara Gradašnica podrazumijeva prikupljanje otpadnog materijala iz korita i oko korita rijeke sa odlaganjem i deponovanjem prikupljenog otpadnog materijala. Čišćenje korita rijeke vršit će se tokom cijele godine.

C) ČIŠĆENJE KORITA LATERALNOG KANALA-INTERVENTNO

Lateralni kanal ima dužinu 4.200 metara, od završenog dijela uređene Gradašnice do granice entiteta. Korito je uređeno, te je povremeno potrebno odnosno interventno po ukazanoj potrebi, vršiti košenje kosina po dužini, sa obje strane kanala. Čišćenje kanala još podrazumijeva i prikupljanje otpadnog materijala iz korita i oko korita i deponovanje na udaljenost do 10 metara od nasipa. Čišćenje korita rijeke, interventno po ukazanoj potrebi, vršit će se tokom cijele godine.

D) OSTALI RIJEČNI TOKOVI I KORITA U JAVNOM DOBRU

Svi riječni tokovi i korita u javnom dobru čistit će se interventno i po potrebi, a u skladu sa finansijskim sredstvima kada se za istim ukaže potreba ili u ekstremnim situacijama.

E) CIJENA I USLUGA, IZVORI FINANSIRANJA I PREDVIĐENA SREDSTVA

Ukupna cijena usluga i poslova predviđenih u ovom Programu sa PDV-om iznosi 25.000,00 KM (dvadesetpethiljadaKM).

Prosječna cijena usluga i poslova predviđenih ovim Programom su prikazana u Cjenovniku usluga koji je sastavni dio ovog Programa. Na osnovu člana 8. Zakona o komunalnim djelatnostima, ("Službene novine Tuzlanskog kantona broj:11/21-prečišćeni tekst) radovi i usluge definisani ovim Programom

povjeravaju se JP „Parkinzi“ Gradačac. Članovima 19. i 20. istog Zakona propisani su izvori obezbjeđenja sredstava i finansiranje komunalnih djelatnosti, a kao jedan od izvora sredstava za obavljanje komunalnih usluga ovaj Zakon propisuje budžet grada (čl. 19. St. 1. tačka c).

F) MJERE, NOSIOCI I ROKOVI ZA PROVOĐENJE PROGRAMA

U cilju provođenja ovog programa, gradska služba za urbanizam, investicije i komunalne poslove uspostaviti će punu koordinaciju sa JP „Parkinzi“ Gradačac sa kojim sklapa ugovor o realizaciji ovog Programa. Ugovor će sadržavati obim poslova, angažovano ljudstvo i materijalna sredstva, cijenu usluga, vrijeme izvršenja, kontrolu izvršenja i druge elemente. Služba će sačiniti izvještaj o realizaciji Programa i dostaviti ga gradonačelniku, a gradonačelnik će po potrebi dostaviti izvještaj gradskom vijeću.

Nadzor nad sprovođenjem ovog Programa vršit će Gradska služba za urbanizam, investicije i komunalne poslove putem osobe imenovane od strane pomoćnika Gradonačelnika za nadzor i kontrolu nad izvedenim količinama.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-48/23

Datum: 28.02.2023.god.

G r a d a č a c

**PREDSJEDAVALA
GRADSKOG VIJEĆA
Mustafa H. Adulović, s.r.**

3a.

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 21. tačka 4. i 26. Statuta Grada Gradačac („Službeni glasnik Grada Gradačac“, broj 10/22), Gradsko vijeće Grada Gradačac, na 22. redovnoj sjednici održanoj 28.02.2023. godine, razmatrajući Prijedlog programa održavanja riječnih korita na području grada Gradačac za 2023. godinu na području grada Gradačac (Mala Tinja, Stara Gradašnica i lateralni kanal) d o n o s i